



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
Općinski načelnik

Broj: 02-11-7097/20
Sarajevo, 04-05-2021. godine

Na osnovu člana 70. stav (1), (2), (3) i (6) i člana 98. stav (2) tačka a) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Ekspertne komisije za nabavku i praćenje postupaka javnih nabavki, imenovana rješenjem broj: 10-45-137/21 od 04.02.2021. godine (u daljem tekstu: Komisija), u postupku javne nabavke za izvođenje nepredviđenih radova na izgradnji objekta Evropska kuća kulture i nacionalnih manjina, (Zapisnik o pregledu i ocjeni ponuda broj: 02-11-7097/20 od 19.04.2021.godine), Općinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se konačna ponuda ponuđača **"DŽEKOS" d.o.o. Sarajevo , ul. Ismeta Alajbegovića Šerbe br.16, 71 000 Sarajevo**, broj: 2001/21 od 19.04.2021. godine, za dodjelu Ugovora za izvođenje nepredviđenih radova na izgradnji objekta Evropska kuća kulture i nacionalnih manjina, putem pregovaračkog postupka bez objave obavještenja, u ukupnom iznosu od 65.635,30 KM bez PDV-a odnosno 76.793,30 KM sa PDV-om.
- II.** Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 (sedam) dana, shodno članu 71. Zakona.
- III.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku za izvođenje nepredviđenih radova na izgradnji objekta Evropska kuća kulture i nacionalnih manjina, putem pregovaračkog postupka bez objave obavještenja, pokrenut je Posebnom odlukom Općinskog načelnika o pokretanju postupka broj: 02-11-7907/20 od 05.04.2021. godine.

Poziv za preuzimanje tenderske dokumentacije u pregovaračkom postupku bez objave obavještenja za izvođenje nepredviđenih radova na izgradnji Evropske kuće kulture i nacionalnih manjina, dostavljen je na adresu ponuđača "DŽEKOS" d.o.o. Sarajevo.

Shodno Zakonu o javnim nabavkama, informacije o postupku i tenderska dokumentacija objavljene su na Internet stranici Općine Centar Sarajevo, kako bi bile dostupne ostalim ponuđačima.

Po pozivu za dostavu Zahtjeva za učešće ponuđač "DŽEKOS" d.o.o. Sarajevo je u ostavljenom roku do 13.04.2021. godine do 09,00 h, dostavio dokumentaciju zahtijevanu tenderskom dokumentacijom. Nakon dostave dokumentacije, Komisija je pristupila analizi dokumentacije priložene u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji. Komisija je konstatovala da je ponuđač uz zahtjev za učešće dostavio ovjerene kopije dokumenata kojima se dokazuje ispunjavanje uslova iz tačke 2.1. tenderske dokumentacije (lična sposobnost).

Nakon završene prve faze postupka u kojoj je razmotren i prihvaćen Zahtjev za učešće, Komisija je uputila poziv ponuđaču "DŽEKOS" d.o.o. Sarajevo za dostavu početne ponude i poziv na pregovore.

Ponuđač "DŽEKOS" d.o.o. Sarajevo je dostavio svoju početnu ponudu u ostavljenom roku i to 16.04.2021. godine do 11,00 h.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju ponude i nakon što je utvrđena blagovremenost i urednost dostave, pročitana je cijena pristigle početne ponude kako slijedi:

r/b	PONUĐAČ	Ukupna cijena bez PDV-a	Ukupna cijena u KM sa PDV-om
1.	"DŽEKOS" d.o.o. Sarajevo	67.276,00 KM	78.712,92 KM

Uvidom u početnu ponudu ponuđača "DŽEKOS" d.o.o. Sarajevo, Komisija je konstatovala da je ista sačinjena u potpunosti u skladu sa zahtjevima iskazanim u tenderskoj dokumentaciji.

Nakon pregleda i ocjene početne ponude, Komisija je prema upućenom pozivu ponuđaču "DŽEKOS" d.o.o. Sarajevo za pregovaranje zakazano dana 16.04.2021. godine u 11,30 h. U toku pregovaranja, ovlašteni predstavnik ponuđača „DŽEKOS“ d.o.o. Sarajevo je naglasio da se daje popust u odnosu na početnu cijenu u iznosu od **1.640,70 KM**. Nakon izvršenog pregovaranja sa ovlaštenim predstavnikom ponuđača, sačinjen je Zapisnik o pregovaranju, te je Komisija uputila poziv ponuđaču "DŽEKOS" d.o.o. Sarajevo za dostavu konačne ponude do 19.04.2020.godine do 09,30 h.

Dana 19.04.2021.godine ponuđač "DŽEKOS" d.o.o. Sarajevo je dostavio svoju **konačnu ponudu** u iznosu od **65.635,30 bez PDV-a, odnosno 76.793,30 sa PDV-om**, koja je postignuta u postupku pregovaranja. Uvidom u konačnu ponudu ponuđača "DŽEKOS" d.o.o. Sarajevo, Komisija je konstatovala da je ista sačinjena u potpunosti u skladu sa zahtjevima iskazanim u tenderskoj dokumentaciji.

Shodno izloženom, Komisija je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU KONAČNE PONUDE

Ponuđača **"DŽEKOS" d.o.o. Sarajevo , ul. Ismeta Alajbegovića Šerbe br.16, 71 000 Sarajevo**, broj: 2001/21 od 19.04.2021.godine, za dodjelu Ugovora za izvođenje nepredviđenih radova na izgradnji objekta Evropska kuća kulture i nacionalnih manjina, putem pregovaračkog postupka bez objave obavještenja, u ukupnom iznosu od **65.635,30 bez PDV-a odnosno 76.793,30 sa PDV-om**.

Općinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 800,00 KM u skladu sa članom 108. stav (1) tačka b) Zakona.

Žalba se podnosi u dovoljnom broju primjeraka, a koji ne može biti manji od tri u skladu sa članom 99. stav (3) Zakona.



Prilog: Zapisnik o pregledu i ocjeni početne i konačne ponude
br.02-11-7097/20 od 19.04.2021.godine

DOSTAVITI:

1. "DŽEKOS" d.o.o. Sarajevo, ul. Ismeta Alajbegovića
Šerbe br.16, 71 000 Sarajevo
2. Evidenciji
3. Arhivi